



Ukuhlomisa izingane zethu
ngelikusasa

SS 2

Isihloko sesifundo: Umlayezo wengelosi kubelusi

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **Umlayezo wengelosi kubelusi**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi Sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga le-SS 2. 2.4: Uyacelwa uthinte uThisha wakho we-SS 2 uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezeluleko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se-**SS 2** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



Isifundo

Isihloko	Umlayezo wengelosi kubelusi
Umbhalo weBhayibheli	NgokukaLuka 2: 8-20
Inhloso yesifundo	Izingane ziyajabula ngomyalezo wengelosi: "Nizalelwe namuhla uMsindisi."

Isifundo esifingqiwe:

- Ngobusuku bokuzalwa kukaJesu, kwakukhona abelusi endle begade imihlambi yabo.
 - Ngokuphazima kweso, kwaqhamuka ingelosi, kwakhanya ukukhanya okukhulu kubo.
- Abelusi bathuka futhi baguqa phansi bethuthumela ngokwesaba.
- Ingelosi yakhuluma nabo ibaqinisekisa ithi: “Ningesabi. Nginilethele izindaba ezinhle eziyoletha injabulo enkulu kubo bonke abantu. Namuhla, emzini kaDavide, nizalelwe uMsindisi; unguJesu Kristu. Lokhu kuyakuba yisiboniso kinina; Nizothola umntwana esongwe ngezindwangu futhi elele emkhombeni.”
- Lapho nje ingelosi iqeda ukukhuluma, kungazelelwe amazulu akhanyiswa ngokukhanya okukhulu futhi kwagcwala uquqaba lwezingelosi zihlabelela: “Udumo kuNkulunkulu kweliphezulu, nokuthula emhlabeni kubantu abathokozelwa nguYe.” Masinyane kwabese kuba mnyama futhi.
- Abelusi bahamba bayobheka ingane eNgcwele futhi bayithola emkhombeni / esitebeleni.
- Batshela uMariya noJosefa abakutshelwe yingelosi.
- Bonke ababezile ngokwabonwa ngabelusi, kwabamangalisa.
- UMariya wakhumbula zonke lezi zinto futhi wacabanga ngokujulile ngazo.
- Abelusi babuyela emasimini, bahlabelela amaculo okudumisa uNkulunkulu ngokuvakashelwa yizingelosi nangenxa yokuthi bayibonile ingane ingelosi ebatshele ngayo.

Ingabe sisho ukuthini lesisifundo kithina namhlanje na?

- Abelusi bajabula ngokuzalwa koMsindisi, uJesu Kristu futhi batshela wonke umuntu ngabakubonileyo.



- Namuhla, sisajabule kakhulu ngokuzalwa kukaJesu Kristu, ngoba ngaYe sisindisiwe futhi samukela ukuphila okuphakade noNkulunkulu.
- Sigubha umkhosi wokuzalwa kukaJesu ngosuku lukaKhisimusi, njalo khumbula isipho sethu sokuqala ngoKhisimusi ukuthi sasivela kuNkulunkulu. UJesu Kristu uyohlale eyisipho sethu esikhulu kunazo zonke, ngaYe sithole isipho sempilo engunaphakade futhi siyathokoza ngaso.

Eminye imibuzo esingayibuza:

1. Ingabe ngubani owavela kubelusi na?
Ipendulo: Ingelosi evela kuNkulunkulu
2. Ingabe yimuphi umyalezo ingelosi eyabalethela wona na?
Ipendulo: Ingelosi yabatshela izindaba ezimnandi, zokuthi uMsindisi, uJesu Kristu uzelwe
3. Ingabe sasiyini isibonakaliso kubelusi sokubona usana olunguJesu na?
Ipendulo: Ingane ibisongwe ngezindwangu futhi ilele emkhombeni
4. Ingabe kungani abelusi batshela wonke umuntu ngokwenzekileyo na?
Ipendulo: Babejabule kakhulu ngokuzalwa koMsindisi, uJesu Kristu, futhi babefuna ukwabelana nabanye lezizindaba ezinhle kanye nalokho abakubonileyo nawo wonke umuntu.

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen